



## De animais

Ten cara e ten col.  
Ten cornos  
e non é un boi.  
Que é?  
(o caracol)



Peteiro plano,  
*cua, cua* na fonte,  
*cua, cua* no prado  
e pon ovos todos ciscados.  
(a parrula)

Onte ovo,  
hoxe capuchiño;  
mañá voarei  
coma un paxariño.  
(a bolboreta)



É un animal grande,  
moi, moi elegante.  
Ten unha trompa longa  
e chámanlle...  
(elefante)

Na árbore ou na silveira  
fai a casa e cría os fillos.  
É de voo, non de carreira.  
(o paxaro)



Coas súas fortes patas,  
salta e salta sen parar.  
Na barriga ten unha bolsa  
onde leva os fillos a pasear.  
(o canguro)

Corre moito cando é novo,  
atrás non queda de vello;  
vive en tobos, come verzas,  
estou falando do...  
(coello)



Adiviña, adiviña:  
que animal pon na palla?  
(a galiña)